

Delegat Mehmed Bradarić postavio je dva pitanja i uputio jednu inicijativu.

Prvo pitanje upućeno je Ministarstvu sigurnosti BiH i glasi:

„Ja sam nekoliko puta na različitim mjestima i iz različitih razloga, ni od koga instruiran, pitao za status gospodina Vjekoslava Vukovića, pomoćnika ministra sigurnosti BiH za borbu protiv terorizma, organiziranog kriminala i zloupotrebe narkotika, koji se nakon nepravosnažne presude na kaznu zatvora od devet mjeseci vratio na svoje radno mjesto. Sada pitam i zahtijevam pisani odgovor:

- 1. Na osnovu kojih zakonskih propisa je ministar sigurnosti BiH donio rješenje o povratku Vjekoslava Vukovića na svakodnevne poslove i zadatke?*
- 2. Kako Vjekoslav Vuković može uopće odgovarati zahtjevima ovog veoma važnog mjesta u Ministarstvu sigurnosti BiH bez dozvole za pristup tajnim podacima?„*

Drugo pitanje upućeno je Ministarstvu finansija i trezora BiH i glasi:

„Na 13. sjednici Doma naroda PSBiH, održanoj 29.2.2012., postavio sam sljedeće delegatsko pitanje Upravnom odboru UIO, Upravi za indirektno oporezivanje i Ministarstvu finansija i trezora BiH: ‘U Zakonu o Budžetu institucija BiH za 2007. godinu bilo je propisano da se investiranje graničnih prijelaza za 2007. godinu može vršiti iz prihoda po osnovu korištenja carinskih terminala ostvarenih iznad obima prihoda ovog zakona, i to najviše do 5 miliona KM. Prioriteti ulaganja su granični prijelazi Bosanska Gradiška, Gorica i Užljebić. Odluku o načinu i visini ulaganja donosi Upravni odbor UIOBiH.’ Nisam dobio odgovor od Ministarstva finansija i trezora BiH na pitanje da li su ta sredstva i utrošena za te namjene. Ovaj put ponovo tražim odgovor i to u pisanoj formi.”